

丹雄鷄肉氣味甘微溫無毒

發明按李廷飛云黃鷄宜老人烏鷄宜產婦暖
血馬益卿云婦宜食牡鷄肉取陽精之全于
夫產者此亦胎教宜兒虎豹之意爾又唐崔行
功纂要云婦人產後多是富貴家擾攘致婦驚
悸氣亂故爾惟宜屏除一切人令其獨產更爛
煮牡鷄取汁作粳米粥與食自然無恙乃和氣
之效也蓋牡鷄汁性滑而濡不食其肉恐難消
也今俗產家每產後卽食鷄啖卵氣壯者幸而

無恙氣弱者因而成疾皆由不解此意也黑雌
雞肉氣味甘酸溫平無毒

發明烏色屬水牝象屬陰故烏雌所治皆血分
之病各從其類也

黃雌雞肉氣味甘酸鹹平無毒

發明黃者土色雌者坤象味甘歸脾氣溫益胃
故所治皆脾胃之病也丹溪朱氏謂鷄一土者
當指此鷄而發他鷄不得侔此

烏骨鷄氣味甘平無毒

發明烏骨雞有白毛烏骨者黑毛烏骨者斑毛
烏骨者有骨肉俱烏者肉白骨烏者但觀雞舌
黑者則肉骨俱烏入藥更良雞屬木而骨反烏
者異變坎也受水木之精氣故肝腎血分之病
宜用之男用雌女用雄婦人方科有烏雞丸治
婦人百病煮雞至爛和藥或並骨研用之按太
平御覽云夏侯弘行江陵逢一大鬼引小鬼數
百行弘潛捉末後一小鬼問之云此廣州大殺
也持弓戟往荆揚二州殺人若中心腹者死餘

處猶可救。弘曰：治之有方乎？曰：但殺白烏骨雞，薄心，卽瘥。時荆楊病心腹者甚衆，弘用此治之，十愈八九。中惡用烏骨，自弘始也。此說雖涉迂怪，然其方則神妙，謂非神傳不可也。鬼擊卒，炭用其血塗心下，亦妙。

泰和老鷄，氣味甘辛，熱無毒。

發明：江西泰和吉水諸縣俗傳，老鷄能發痘瘡。豕家畜之，近則五六年，遠則一二十年，待痘瘡發時，以五味者爛與兒食之，甚則加胡椒及桂。

附之屬此亦陳洽中治痘用木香異攻散之意
取其能助濕熱發膿也風土有宜不宜不可以
爲法

鷄冠血氣味鹹平無毒

發明鷄冠血用三年老雄者取其陽氣充溢也
風中血脉則口僻喎冠血鹹而走血透肌鷄之
清華所聚本乎天者親上也丹者陽中之陽能
僻邪故治中惡驚悸諸病烏者陽形陰色陽中
之陰故治產乳目淚諸病其治蜈蚣蜘蛛諸毒

者鷄食百蟲制之以所畏也高武痘疹正宗云
鷄冠血和酒服發痘最佳鷄屬巽屬風頂血至
清至高故也

腕脰裏黃皮一名鷄內金近人諱之呼腕內黃
皮爲鷄內金男用雌女用雄氣味甘平無毒

王治洩痢小便頻遺除熱止煩止泄精並尿血
崩中帶下腸風瀉血治小兒食瘡瘰癧大人淋瀝
反胃消酒積主喉閉乳蛾一切口瘡牙疳諸瘡
尿白雄鷄屎乃有白臘月收之白鷄烏骨者更

良姜問作鷄矢氣味微寒無毒

發明蠱脹生於濕熱亦有積滯成者鷄屎能下
氣消積通利大小便故治蠱脹有奇功此岐伯
神方也醴者一宿初來之酒賄也又按范汪方
云宋青龍中司徒吏顏奮女苦風疾一髀一痛
一人令穿地作坑取鷄屎荊葉燃之安脛入坑
中薰之有長蟲出遂愈也

鷄子卽鷄卵也黃雌爲上烏雌者次之氣味甘
平無毒小兒患痘疹忌食鷄子及聞煎食之氣

令生腎膜

主治除熱火灼爛瘡癰疽鎮心安五臟止驚安胎治妊娠天行熱疾狂走男子陰囊濕痒及開喉聲失音醋煮食之治赤白久痢及產後虛痢光粉同炒乾止疳痢及婦人陰瘡和豆淋酒服治賊風麻痺醋浸令壞傳疵點作酒止產後血運暖水臍縮小便止耳鳴和蠟炒治耳鳴聾及疳痢益氣以濁水煮一枚連水服之主產後痢和蠟煎止小兒痢小兒發熱以白蜜一合和三

顆攪服立瘥

發明 卵白象天其氣清其性微寒卵黃象地其氣渾其性溫卵則兼黃白而用之其性平精不足者補之以氣故卵白能清氣治伏熱目赤喉痛諸疾形不足者補之以味故卵黃能補氣治下痢胎產諸疾卵則兼理氣血故治上列諸疾也

卵黃氣味甘溫無毒

發明 鷄子入藥最多而髮煎方時竒劉禹錫傳

信方云、亂髮鷄子膏治孩子熱瘡、用鷄子五枚煮熟、去白、取黃、亂髮如鷄子大、相和於鐵銚中、炭火熬之、初甚乾、少頃卽髮焦、乃有液出、旋取置椀中、以液盡爲度、取塗瘡上、卽以苦參末粉之、頃在武陵生子、瘡內便有熱瘡、塗諸藥無益、而日益劇、蔓延半身、晝夜號啼、不乳不睡、因閱本草髮髮條云、合鷄子黃煎之、消爲水、療小兒驚熱下痢、註云、俗中嫗母爲小兒作鷄子煎、用髮雜熬之、良久得汁、與小兒服、去痰熱、主有病

又鷄子調療火瘡。因是用之，果如神效。

卵殼中白皮

[發明]按僊傳外科云：有人偶含刀在口，割舌已垂，未斷。一人用鷄子白皮袋之，摻止血藥於舌根，血止。以蠟化蜜調沖和膏敷鷄子皮上，三日接住，乃去皮。只用蜜蠟勤敷十日，全安。若無速效，以金瘡藥叅治之。此用鷄子白皮無他，但取其柔軟而薄，獲舌而透藥也。

[短]

肉氣味酸微寒無毒久食令人瘦九月至十一月稍有補他月則發五痔諸瘡疥不與胡桃同食發頭風眩運及心痛與菌蕈同木耳食發五痔立下血同蕎麥食生肥蟲邪同葱食生寸白蟲自歿爪甲不伸者殺人

發明雉肉諸家言其發痔下痢人不可食而別錄用治痢瘻何邪蓋雉在禽上應胃土故能補中而又食蟲蟻故能治蟻瘻取其制伏耳若久食及食非其時則生蟲有毒故不宜也

鶉作名鶉鶉

肉氣味甘平無毒按鶉性醇窟伏淺草無常居而有常匹隨地而安莊子所謂聖人鶉居是矣其行遇小草卽旋避之亦可謂鶉矣其子曰鶉發明按董炳集驗方云魏秀才妻病腹大如鼓四肢骨立不能貼席惟衣被懸臥穀食不下者數日矣忽思鶉食如法進之遂運劇少頃雨汗莫能言但有更衣狀扶至圈小便突出白液凝如鷺脂如此數次下盡遂起此蓋中焦濕熱積

久所致也。詳本草鵝解熱毒療小兒疳亦理固
然也。董氏所說如此。余按鵝鳥乃蛙化。氣性相
同。蛙與蝦蟇皆解熱治瘡。利水消腫。則鵝之消
鼓脹蓋亦同功云。

鵝

白鵝肉氣味鹹平無毒

主治 解諸藥毒及人馬久患疥食之立愈調精
益氣治惡瘡癰風瘡白癰瘰癧風炒熟消脹雖
益人食多恐減藥力

雀

肉氣味甘溫無毒

〔發明〕正月以前十月以後宜食之取其陰陽靜定未泄也故卵亦取第一番者

雀卵氣味酸溫無毒五月取之

〔發明〕今人知雀卵能益男子陽虛不知能治女子血枯蓋雀卵益精血爾

〔雄雀屎〕別錄止用雄雀屎雌雄分明則出自雷氏也其雀屎尖在上者是雄兩頭圓者是雌

氣味苦溫微毒

發明雀食諸穀易致消化故所治疝瘕積脹疝
癰及目腎努肉癰疽瘡癰咽噤齒齲諸瘰皆取
其能消爛之義也

伏翼

卽蝙蝠

氣味鹹平無毒

發明蝙蝠性能爲人故陳子貞等服之皆致死
觀治金瘡方皆以下痢其毒可知本經謂其無
毒久服熹樂無害日華云久服解愁者皆誤後

世之言適足以增憂益愁而已治病可也服食不可也

天鼠屎

卽蝙蝠屎

氣味辛寒無毒凡采得以水淘去灰土惡氣取細砂晒乾焙用其砂乃蚊蚋眼也

發明夜明砂及蝙蝠皆厥陰肝經血分藥也能活血消積故所治目瞽盲障瘡翳疳驚淋帶瘰癧癰腫皆厥陰之病按類說云定海徐道亨患赤眼食蟹遂成內障五年忽夢一僧以藥水洗